



## Մ Ա Յ Ր Ա Թ Ո Ռ Ո Ւ Մ

Հոկտեմբերի 17-ին, կիրակի, Մայր Տաճարում պատարագեց և քարոզեց հոգեշնորհ Տ. Գևորգ վարդապետ Սերայդարյանը «Դոքս են՝ շորք հողմք երկնից» (Ձաք. 2 1) բնաբանով:

Սուրբ պատարագին ներկա էր Վեհափառ Հայրապետը:

\*\*\*

Հոկտեմբերի 24-ին, կիրակի, «Տօն Գիւտ հաշի»: Մայր Տաճարում պատարագեց արժանապատիվ Տ. Գարեգին քահանա Քիրազյանը: Քարոզեց հոգեշնորհ Տ. Ներսես ծայրազույն վարդապետ Պողապալյանը:

Սուրբ պատարագին ներկա էր Վեհափառ Հայրապետը:

\*\*\*

Նոյեմբերի 8-ին, երկուշաբթի, Մայր Տաճարում եպիսկոպոսական իր անդրանիկ պատարագը մատուցեց գերաշնորհ Տ. Շահե եպիսկոպոս Աճեմյանը:

Ս. Հովհաննիսյանի տաճարում իր անդրանիկ պատարագը մատուցեց գերաշնորհ Տ. Զավեն եպիսկոպոս Զինչինյանը:

\*\*\*

Նոյեմբերի 10-ին, չորեքշաբթի, հետմիջօրեի ժամը 3-ին, Հոգևոր Ճեմարանում դասախոսություն կարդաց ուսանողության, միաբանության և պաշտոնեցության համար Ն. Ճ. Սիրունին, «Հայ Եկեղեցին Յփյուռքի մեջ» թեմայով: Դասախոսությունը լավեց մեծ հետաքրքրությամբ:

Վերջում վերատեսուչ վարդապետը շնորհակալություն հայտնեց պր. բանախոսին՝ հետաքրքրական և բովանդակալից դասախոսության համար:

\*\*\*

Նոյեմբերի 14-ին, կիրակի, Մայր Տաճարում եպիսկոպոսական իր անդրանիկ պատարագը մատուցեց գերաշնորհ Տ. Հակոբ եպիսկոպոս Վարդանյանը և քարոզեց հավուր պատշաճի:

Սուրբ պատարագին ներկա էր Վեհափառ Հայրապետը:

\*\*\*

Նոյեմբերի 21-ին, կիրակի, երկուշաբթի ժամը 4-ին, Վեհարանում, շուրջ երկու ամիս ուխտավորաբար Մայր Աթոռում գտնվող ռումինահայ ծանոթ գրագետ, բանասեր և «Էջմիածին» ամսագրի սիրված աշխատակից Ն. Ճ. Սիրունու պատվին կազմակերպվել էր ողջերթի ընդունելություն:

Հարգելի պրոֆեսորը մասնակցեց Վեհափառ Հայրապետի գահակալության տասնամյա հանդիսություններին, այցելեց պատմական վանքեր, հուշարձաններ, մայրաքաղաքի և հանրապետության տեսարժան վայրեր, տեսակցություններ, շփումներ ունեցավ մտավորականների, արվեստագետների հետ և ավելի քան 30 շահեկան, պատմա-հայագիտական դասախոսություններ կարդաց Մատենադարանում, պետական համալսարանում, գիտությունների ակադեմիայում, արվեստի տանը և պետական արխիվում և այլուր, արժանանալով ամենուրեք ջերմ ընդունելության:

Արդարև, ամենայն գնահատության արժանի են մեծավաստակ գրագետի 60-ամյա մշակութային, գիտական և հասարակական ծառայությունն ու վաստակը:

60 տարի, տքնաջանորեն, խոր նվիրումով և շատ հաճախ նյութական և բարոյական աննպաստ պայմաններում, Ն. Ճ. Սիրունին ծառայել է հայ մշակութային և դարձել նրա խանդավառ տարածողներից մեկը, մանա-



վանդ ռումեն մտավորական շրջանակների մեջ:

Նա իր աննկուն, բեղմնավոր աշխատասիրութեամբ կատարել է մի ամբողջ ինստիտուտի շնորհակալ գործ:

Ավելի քան հարյուրի է հասնում Հ. Ծ. Սիրունու հայ մշակույթին նվիրած հայերեն հրատարակված և անտիպ աշխատությունների թիվը, և շուրջ հարյուր աշխատություն ռումիներեն և ֆրանսերեն լեզուներով գրված՝ հայ մշակույթի պատմության, օտար մշակույթների հետ մեր մշակութային կապերին և պատմության ուսումնասիրության նվիրված:

Ողջերթի սեղանին ներկա էին Մայր Աթոռի միաբանությունը, Գերագույն Հոգևոր Խորհրդի անդամները, մտավորականության և արվեստի ներկայացուցիչներ, որոնցից շատերը սրտագին ելույթներ և ջերմ ճառերի մեջ ողջունում են հորելյար Հ. Ծ. Սիրունուն՝ նրա գրական, հասարակական գործունեության 60-ամյակի ուրախ առիթով, նշելով միաժամանակ Երևանում Հ. Ծ. Սիրունու կարգացած դասախոսությունների գիտական բարձր մակարդակը, հայրենասիրական ոգին ու շունչը, հայ մշակույթի հանդեպ նրա անսահման սերն ու նվիրվածությունը:

Վերջում, խորապես հուզված և երախտագետ, Հ. Ծ. Սիրունին իր շնորհակալության և հրաժեշտի ջերմ խոսքն է ասում:

Նոյեմբերի 22-ին, երկուշաբթի առավոտ, Հ. Ծ. Սիրունին մեկնում է Մոսկվա—Բուխարեստ:

Բարի՛ ճանապարհ վաստակավոր բանասերին և մեր սիրված աշխատակցին.

\*\*\*

Դեկտեմբերի 4-ին, շաբաթ, «Տօն սրբոց առաքելոցն և առաջին լուսաւորչացն մերոց

Թաղէոսի և Բարթողիմէոսի»: Մայր Տաճարում, օրվա տոնի առիթով, պատարագ է մատուցում հոգեշնորհ Տ. Գևորգ վարդապետ Սերայդարյանը:

\*\*\*

Դեկտեմբերի 5-ին, կիրակի, Մայր Տաճարում պատարագեց և քարոզեց հոգեշնորհ Տ. Ներսես ծայրագույն վարդապետ Պողոսյանը «Ժիր՝ մշակք անպարտելի կաթողիկէնկեղեցւոյ և պսակ պարծանաց հաւատացելոց» բնաբանով:

Սուրբ պատարագին ներկա էր Վեհափառ Հայրապետը:

\*\*\*

Դեկտեմբերի 5-ին, կիրակի, հետմիջօրեի ժամը 1-ին, Վեհափառ Հայրապետին այցելեց տաղանդավոր դաշնակահար և կոմպոզիտոր 12-ամյա Զոհրապ Փարեմուզյանը, իր հոր հետ:

Նորին Ս. Օծությունը հայրաբար և սիրով հետաքրքրվեց տաղանդավոր պատանու կյանքով և աշխատանքով: Ի պատիվ Վեհափառ Հայրապետի, Զոհրապը դաշնամուրի վրա կատարեց իր ստեղծագործություններից մի քանիսը, ինչպես նաև հատվածներ դասական երաժշտությունից, արժանանալով Հայոց Հայրապետի օրհնության և քաջալերանքին:

Հետմիջօրեի ժամը 2.30-ին, Մայր Աթոռ այցելեց Երևան նոր ժամանած, Նյու-Յորքի Մետրոպոլիտեն օպերայի ծանոթ երգչուհի Լուսին Ամարան: Անվանի արվեստագետը Մայր Տաճարում իր ուխտը կատարելուց և սուրբ պատարագին ներկա լինելուց հետո, այցելեց Հայոց Հայրապետին Վեհարանում, ուր տեղի ունեցավ ջերմ գրույց:

